

明

詩

紀

事

明詩紀事

貴陽陳田輯

已錄

鄭國賓

十三首

國賓字汝嘉蘭谿人嘉靖庚戌進士除婺源知縣徵

授兵科給事中改禮科以事廷杖削籍有臥雲堂集

田按汝嘉以趙文華子擇思齋祀停封日請假送父

帝大怒戍擇思邊衛以禮科失納劾汝嘉與都給事

中謝江等六人廷杖削籍歸時年三十八自號樸里

子汝嘉七言歌行五絕七絕風流跌宕大有古人遺

韻

關西老將歌

少年騎馬疾如飛長弓勁箭突重圍萬乘曾推雙轂送五侯

已錄卷十

一

揖讓平交歸瀚海黃沙連朔漠天山月白聞邊柝一身轉戰
三千里陰風颯颯陣雲惡奮臂前驅斷月支橫行又奪胡馬
騎雕戈白日明秋漢大漠霜高響鐵蹏塞下人傳老都護軍
前共說長城固豈知歲月漸蹉跎老大逢人不相顧射虎將
軍竟不候牧羝歸來空白頭聞說燉煌徵猛士關西老將淚
先流

土兵行

姑蘇城上烏夜囁姑蘇城下水平溪黃狼走去白狼逐士兵
搜得蠻兵妻花巾裏頭白裹腳勁弩強弓隨部落蘆管嗚嗚
夜劫商搶得黃金充囊橐海上鯨鯢終可除中州狼虎不堪
居一朝封豕衝突起殺人之性還有餘

金華詩錄
嘉靖間東南倭患棘總督尚書張經徵四
方兵及狼土兵議大舉趙文華獻平倭七策因造祭
告海神卽察賊動靜文華陰欲擴經之功狼兵稍有
斬獲厚犒之使進勦土兵猖獗所由來也初贛州賊
作亂都御史陳金奏調廣西狼兵征之李獻吉作土
兵行當時情形亦復爾爾

聞歌

十二秦箏壓指彈雲屏步障最相憐流霞暗度樓前月散縠
明邀瓊瑤筵羅綺紛紛爭相愛芙蓉千尺明仙隊小腰誰復
惜瓊枝乍汎風光上環珮梁塵暗落起新聲門寵含情滿座
驚眼中粉黛空姝麗盡道蛾眉恨不平別有高臺上涼日朱
甍翠牕遙相憶春風來蕩河陽花楊柳低纖堪把惜鴉鶯宛
轉金縷曲翡翠玲瓏雲錦綰華燈忽照珊瑚枕小婢收將火
浣衫長安貴客金如土袒臂登堂愛歌舞當爐快飲三百杯

長江作醉虬作脯不道今生不解愁相逢便欲脫吳鉤般勤
那計百年事白日聊隨江畔遊

聞陸錫山掌科落職

造物忽如此君才獨可憐風塵餘白首窮達付蒼天夜雨燈
前草秋帆渭上船逐臣應有恨遲爾越江邊

縱鹿并序

山人餌余鉅麋頭角崢嶸然毛色純黑疑千年物也
決瀋縱之侑以四韻他日相見于瓊玉山頭須爲余

頓響華陽洞口

谷口隱深霧重巖午不分此間有豐草好去卧之雲煙客
殘夢宜春憶舊羣赤城應不遠爲我訪茅君

古別離

江上芙蓉花一別一回老看取秋風來紅顏爲誰好

古意

海門初日上照見望京樓下有北去船揚帆過石頭

小園

簾捲風生席牆低月到庭豆花棚下坐一卷種魚經

柳枝詞

二首

白板橋邊楊柳枝美人樓上勸瓊卮千條萬縷不堪折舞翠
臨風欲向誰

水榭風生市地垂曉粧臨鏡門蛾眉未須展盡黃金色不與
江亭管別離

邊詞

白骨未收城下土
黃沙又起塞邊風
孤城百戰心猶壯
夢裏還聞五石弓

畫鷹

萬里長風吹雪毛
霜眸歷歷見秋毫
須教平野無狐兔
眼下何人爲解絛

驅馬

驅馬金羈碧玉鞭
玉郎騎坐大幽燕
醉來忽墮青絲轡
又向高樓一夜眠

徐學謨

十六首

學謨初名學詩字思量改字叔明蘇州嘉定人嘉靖

庚戌進士授兵部主事改中書舍人以憂歸起禮部郎中出爲荊州知府以事罷歸起南陽知府進湖廣副使改江西以右僉都御史巡撫鄖陽擢禮部尙書加太子少保有海內集七十七卷春明集十四卷歸

有闔橐二十九卷

靜志居詩話宗伯本名學詩以與効分宣者同姓名遂更爲謨雅負詩名然多懦響殆肖其人
田按宗伯論詩云近來作者綴成數十豎語如黃金白雪紫氣中原居庸碣石之類自以爲前無古人小兒效擬引爲同調南北傳染終作穢風蓋爲學王李者而發又謂王元美兄弟詩文皆作秦聲初聞則驚細觀則厭然余聞其全集五古超步晉宋時有合作七律猶是李王成派七絕流美頗有俊聲其才去李王甚遠觀其海內集自敘云塵三十年之力揆於今之作者猶夢夢也矧曰古之人哉自知審矣宗伯頗好事在荊州日招致驚池生輩引爲上客又作世廟識餘錄其語頗贅此書余得藏之

仲夏曰同田祠部楊曰二主客集郊壇道院

端居積煩憂出門厭塵鞅茲晨過休暇忽起中林想折簡呼
友生攜樽恣還往偶依羽士邱文宮信幽敞暫解區中累果
詣心所賞榻靜山鳥窺庭虛夏木長白日銷篆煙青霞映書
幌當杯析疑義會意忽抵掌境悟寂喧齊妄遣神氣爽翛然
洞元化何似軒皇上終宴已忘疲清歌激慨慷慨還真如可期
及爾長個仰

仲夏望曰省僚宴集分韻得併字

燕州鬱徂暑端居想幽觀瞻茲窈窕宇扶疏夏木盛賓筵
蘭馨華裾明玉映無煩折簡呼都忘倒屣迎散吏意俱適佳
晨酌頻命雖處朝市喧而有雲林靜車馬自馳驅飄埃日紛

送何如濯素襟相將發高詠逍遙聊卜懽沈冥已中聖爲謝
同心者幽期稀合併

遊大慧寺作

塵羈埋素襟幽遐發深省物化諒有遷哲人貴所乘竭來倦
風埃休期忻合併矧茲秋氣佳鞅掌獲暫屏驅車遵郊陌雲
天恣引領修途迫議轡忽入招提境躡磴慰冥搜捫蘿啟幽
騁秋榮麗寒渚朔吹披霞嶺爲從火宅來聊憇空門靜慧性
覺方始迷津誤已永未淨版依心相睇虛無影肅駕謝珠林
徘徊延夕景

徐園訪金伯謙諸友不遇

久知客郊園炎月阻相訪茲晨遭新霽凌風開颯爽肩輿一

乘興巖扉啟幽敞山中靜無人蘿陰滿書幌坐餘几閣涼愛此菱蒲長秋事已如斯平疇鬱嘉穫雖乏晤對懨頗諳素心賞適去復適來聊當看竹往

頭陀生行

并序

頭陀生者故遼藩弄兒國亡後祝髮入道爲襄陽羅者所得余哀其窮釋焉作是篇

江陵昔曰重驩宴侍兒俱在芳華殿酣歌那省風愆篇狎比惟看佞幸傳是時頭陀生幾年撲雲縹繞垂兩肩宮娥望幸不得前眾中一身當三千自謂穠華可長久狂飈忽集章臺柳天上纔飛司隸草宮中已授邪臣首白馬陞寒帶砌空黃龍識應狐狸走六王之鬼餕不脯曳裾賓客爲鉗徒頭陀何

物么麼者飛身化作崑崙奴袖間金錯一匕首腰下赤羽雙
僕姑禁門躍出青天脊白日重關失萬夫往日紅顏堪一擲
行雲過眼湘江碧黃金散盡舞臺傾青蠻悽身真可惜轉盼
君恩不到頭并刀斷送舊風流欲尋雲外龍堂寺不覺秋深
燕子樓浮生如露亦如電流浪年光颯飛箭傷心莫話轉春
鶯埋骨堪投定惠院竭來何事遂紅塵猶是從前一幻身香
飄膩玉侵羅袴淚決流波溼漢津紫孟白衲強裝束伶俜還
帶雙蛾蹙階下低頭望使君十年前是荊州牧奏當還識聖
恩寬讞書終貸伶官戮故國淒涼莫歎嗟飄零行腳向天涯
縱然未了三生債更望何門認主家

齋夜有懷繩冠生宋登春

戍角遙聞城上頭相思貢擬隔三秋寒蟬欲斷威云暮江葉
不飛人自愁隱幕疏花閒短榻持杯殘月在高樓鶯池今夜
酒應熟野白荒荒誰勸酬

秋日登滕王閣

江島浮空浦樹分人煙生處俯氤氳千層白浪帆檣雨一片
青山殿閣雲簾棟故應留勝概牛牛猶自護遺文庾關客思
秋無賴綠蘋汀花雁夜聞

袁履善有鞏昌之命喜而有述

去日能忘范蠡船俄聞五馬出秦川江東秋老草鱸後渭北
風高鳥風前今代吐蕃頻款塞漢家都尉欲臨邊遙人拂拭
新鬢色誰識投沙故少年

泳飛閣

鳥飛詎能泳魚泳詎能飛吾居魚鳥間川雲澹相依

梨花

隔汎飄殘雪隨風拂晚鶯相逢禁火節江北憶江南

荊州上元曲時在長安旅舍作

春風初到萬家城火樹銀花相映明高結綺樓橫十里沿街齊唱上元晴辛酉元夕
嘗爲此曲

雕盤翠幕總繁華誰似朱城帝子家雲母屏中輝紫電珊瑚
樹底發流霞

千花騎擁白雲橋月淡煙霏溼絳綃試聽玉壺沈漏水西宮
隱隱出鸞簫

章華臺迴接沙津隊仗如雲引路塵錦障紗籠移鶴輶香風

散作十街春

田按此數詩述遼邸故事也

清明日作

黃河東去淨春沙一曲溪流似若耶馬上不知寒食過村村
風雨暗梨花

得江陵諸王書答之

故國園池重別離敢將雲鑿傲明時如今問我樊川業恐是
前生杜牧之

劉效祖

二首

效祖字仲修濱州人嘉靖庚戌進士除衛輝推官徵

授戶部主事厯員外郎中出爲陝西副使有雲林橐

六卷

海嶽藏秀集仲修七絕得盛唐氣格李伯承之亞也
靜志居詩話副使負經世畧生計吏罷官晚寄情詞
曲所填小令可入元人之室昭陵嘗遣中使索其題
冊呼曰念悲念慙副使別字也因賦詩云更生雙鬢
已蕭颯敢謂文章擅彩毫過誤偶示明主問因緣不
是鶴輪袍都人傳其事以爲列朝所未有

田接副使七絕風調俊爽王阮亭香祖筆記欲輯其

鄉邦前輩明人有集者五十家而遺副使名則雲林

棄流傳之鮮可知矣

塞上曲

朔風吹雪渡沙場傳道單于獵白狼北望征塵何處是暮雲
無際草蒼茫

折楊柳

楊柳千條拂地垂春風若漾客心悲誰家年少輕離別偏把愁聲笛裏吹

陳宗虞

〔首〕

宗虞字于韶閩中人嘉靖庚戌進士累官江西副使有臥雲樓集

弇州山人續稟甚矣詩之難言工事則徘徊而傷情工情則婉綽而傷氣氣暢則厲直而傷思思深則沈簡而傷態態勝則冷靡而傷骨子都爲詩亡不兼美

送胡生南歸

扁舟一葉故園心斗外輕帆認武林欲採芳蕪何處泊太湖湖上水雲深

張四知

〔首〕

四知字子畏汝陽人嘉靖庚戌進士除刑部主事歷
兵部郎中出爲四川僉事遷副使有韶亭集

送盧少溪憲副還東陽

朔風吹野酌去路沂通津旅邸相知少天涯送別頻青山幾
載蘿白舫一歸人海內塵方擾君輕避此身

董傳策二首

傳策字原漢上海人嘉靖庚戌進士除刑部主事以
劾嚴嵩下詔獄謫戍南甯隆慶改元起吏部主事歷
郎中累遷南大理卿進工部侍郎就改禮部有采薇
集四卷幽貞集二卷幽歎集六卷廓然子稟二卷選

盧稟七谷

四庫總目

傳策詩多激烈如其爲人

雲間志寥寥詩文有湘累長沙之風

松風遺韻抱一山

人詩如兩岸青山天外落一帆明

月鏡中閒搭日玄猿號峻嶠

戍樓清角下寒灘閉戶

共泊分駅酒當筵俱是異鄉人

蝴蝶夢中江草碧鷗

鴟嗁處嶺雲黃天涯作客憐同病

人事經秋苦獨吟

旨警拔之句
田按侍郎以鄉下過急爲家奴所殺恣睢者可以戒矣

赴戍過馬頰同吳君時來張君翀作

客行九千里舟過十八灘山疑三峽險水似五溪寒挂纜蒼
松杪停橈白石灣路難何足問此地是平安

訪客啜檳榔

急腳蠻奴餌半斛客來提榼手雙叉檳榔擎出斑斕片灰白

葉青當獻茶

邑人以青葉白灰和檳榔覆之客至盛以獻謂之代茶

寄橄欖

波斯薦翠味回甘嶺樹秋高拂瘴嵐記得吳都會有賦錫瓶
密緘到江南

舊橄欖最佳名波斯種法用錫瓶包之雖寄遠不損

邱樞一首

樞字懋實諸城人嘉靖庚戌進士授行人擢刑科給事中進兵科都給事中以事黜爲民陞慶初起禮科未至擢南太常少卿進大理少卿以病歸萬曆中起右通政未上擢右副都御史進刑部侍郎拜南京吏部尚書贈太子太保謚簡肅

戊辰元夕吳太宰張侍御移尊見過

煙柳三山寺燈花九陌橋年華殊不負春思轉無聊忽聽尙

贊履兼鳴馳馬鑣高軒曾有賦未便是元宵

黃甲三首

甲字首卿上元人嘉靖庚戌進士除吏部主事謫泰
州運判遷東郡監州旋罷歸有鳳巖編年稿二十六

卷

顧起元客座贊語藝南詩頗饒獨詣所著獨鑒錄評
詩文多前人所未發

鳥衣佳話首則詩陳氏園亭云曲徑沿溪入疏峯帶
雨晴春日云鳥聲侵夢斷竹色映階虛秋興云山高
月出鴈初下水遙天空人自愁天甯寺云短劍孤懸
凌夜月微裘初紉薄秋風

田接顧太初云首卿性好作物居鄉與往還者不二
三人晚與廖工部文光善數共觴詠一日廖規其集
中有陣隧等語大刺遂大詬罵絕之今觀鳳巖編
年稿拉雜支離如陣隧者多矣所著獨鑒錄即在編
伯祖儒齊諫鳳巖覺仲成儒者號長齋集叔方儒

著陌花軒集季復儒著振秀閣集今皆失傳惟戌
詩散見鳳樓稿中如乾坤萬變等蕉鹿英淮一笑齊

金瓦又覽鏡漫成嘵孤生只幻塵又試問餘春應幾
許尊前莫嘶歌金縷殊是俊句

臘日寄阮按察

不見風流阮嗣宗向來孤性若爲同歲殘瑤草空相憶夢入
深林恐未通隴上梅花還雪色山中竹葉幾春風欲知此日
懷君正是東山寒雨中

題畫

十里修林帶石橋茅堂背郭隱松濤故人何地來相訪共卧
白雲山月高

河亭

孫楚樓前放酒船秦淮堤上買花錮誰家錦幃開新月自

危欄水泊天

王好問

三首

好問字裕卿樂亭人嘉靖庚戌進士除太常博士遷

御史厯大理丞通政使遷工部侍郎改刑部戶部進

南右都御史就遷戶部尙書贈太子少保有春煦軒

集三十六卷

王崇簡畿輔明詩王公好問詩閒淡得陶華遺意

蓬樵者

秋雨洗林麓草色澹寒碧颯颯風吹衣泠泠泉漱石側同樵
者行雲閒意俱適綈曬幽谷靜鶴唳空山夕微鐘發暝煙明

月送歸客

休沐

暫從賜沐暇適出曠遠情散步山虛齋坐聽山鳥鳴疏雨動
微涼纖雲弄晚晴尋幽涉竹徑不知新荀生道人偶相訪道
我沖虛經大道惡多歧全身貴逃名眞言誠可擇吾心本無
覺

來江亭晚眺

長空濶湛月朧朧南國江山如鏡中六代遺蹤何處問秣陵
寂寞起秋風

方弘靜一首

弘靜字定之歙人嘉靖庚戌進士除東平知州遷南
戶部員外郎中出爲四川僉事歷江西副使進參

政遷廣東布政使以右副都御史巡撫浙江罷歸起
撫卽遷南戶部侍郎贈工部尙書有素園存稿二十

卷

新都秀運集定之抱性幽閒溫秀故其修詞吐氣有似於人苦流水不知處幽禽相與飛不知春色減忽見林花飛永日空山寂幽蟬時自吟宛然王孟遺響也

訪程山人不遇

避喧來谷口愛此青松陰永日空山寂幽蟬時自吟花源應未隔蘿徑杳難尋稍覺塵心豁方知仙境深

馮臯謨一首

皋謨字明卿海鹽人嘉靖庚戌進士官刑部郎中出爲江西僉事歷廣東參議副使進福建參政有豐陽

集十二卷

宿石屋山寺

青天萬仞插芙蓉，迴合珠林翠幾重。秋老荒苔飛葉落，客來燒芋有僧供。鑿巖佛閣金鋪暝，山盤仙壇石籬封。聽法欲尋龍起處，滿空寒瀨夾疏鐘。

陳柏 一首

柏字子堅，河陽人。嘉靖庚戌進士，授兵部主事，歷郎中，出爲山西副使。有見南江閣詩選九卷、文選十四卷、借山亭前集詩六卷、續集六卷、來青軒詩選四卷、文選八卷、退藥軒詩選一卷。

四庫總目：「柏詩頗宕逸有姿，而失於薄弱。」
田按：子堅，子圭叔，與七子游，倡和極多。子堅晚始爲

詩亦與七子通聲氣人比之高十五子堅有句云何人曾似高常侍五十工詩亦善鳴紀其事也

送韓生歸吳興兼呈陳陸二丈

憐汝何落魄栖栖空遠遊秋風吹槲葉遙上九江舟山連西塞若溪水歸去鱸魚肥且美陳琳豪興筆若椽陸機藻思才如綺相逢儻問漢陰夫爲言憔悴今若此

翁夢鯉 一首

夢鯉字希登莆田人嘉靖庚戌進士除知縣徵授戶部主事謫潮州通判遷惠州同知擢廣東僉事有戶部使吳諭居等集

蘭陔詩話雨川詩情清婉五律擅場

早春麻城界河

客行初入楚風日麗長亭野草生荒岸沙禽浴晚汀溪流新
雨活樹帶去年青轉憶西來道孤鴻雪裏聽

方攸躋

一首

攸躋字君敬莆田人嘉靖庚戌進士除南戶部主事
進員外郎草堂集陳岩集

懷吳明卿

一別河梁已隔旬征衣遙逐楚山塵平原渺渺愁孤客芳草
萋萋憶故人鴻雁漸依彭蠡渚桃花擬泛武陵津才名汝亦
吳興守何處汀洲採白蘋

黃謙

一首

謙字亨大莆田人嘉靖庚戌進士官刑科給事中有

萬玉山藏藁十六卷

蘭陔詩話亭夫集中佳句如珠海南淳薦颺母蒼梧
西去弔湘君亂後衣裳長作客愁中風雨再逢君之
荒名王修禹貢白羊守吏猶春田滄海總歸周白雉
水軍盡立漢朱旗皆佳句也

惶恐灘宋文信國被俘過此

雙淚秦庭事忍言南天不用北來魂灘脣似解孤臣意日日
奔流到海門

欒尚約

一首

尚約字孔源廬州人嘉靖庚戌進士除溧水知縣徵
授江西道御史謫安州判官遷懷慶推官被論削籍
有百一集

寄趙潛菴

聞道西石隱溪南曰掩門里兒笑茅屋詩客問山村午夢春
池草秋開夜月橋相思燕水闊東望一銷魂

王應時

一首

應時字懋行侯官人嘉靖庚戌進士歷官雲南按察使

留侯故城

野色餘衰柳荒城只故邱閭關思附漢恬淡乞封留廢阪牛
羊夕空碑草木秋采蘋聊一薦千里白雲愁

王汝述

一首

汝述字朝明金華人嘉靖庚戌進士除吉水知縣徵授刑部主事歷郎中出爲貴州參議

貴陽道上

今朝縣雨歇昨夜布衾寒山色青堪染溪陰綠可餐

林大春

一首

大春字井丹湖陽人嘉靖庚戌進士厯官浙江副使
有井丹集十五卷

寄謝茂秦

梁苑多詞客漢家今幾人鄉陽久零落枚叔已風塵老去惟
君在書來憶我眞聲名滿京洛何處覓垂綸

葉春及

一首

春及字化甫歸善人嘉靖壬子舉人授福清教諭遷
惠安知縣再遷賓州知州以病移文卽歸削職爲民

起興國知州未赴遷鄖陽同知徵授戶部員外遷郎
中右石洞集十八卷

四庫總目

春及詩音節清亮

靜志居詩話

桐齋令惠安幾與姑臧葉蕪比潔解組

歸隱居羅浮之石洞雖以講學聞詩不墮程邵門戶

遊黃塘山莊

溽暑辭城市言從此地遊樹深芳徑曲花密石堂幽野蕨同
僧飯陰崖得句留分明絕塵想身外更何求

張鳴鳳

三首

鳴鳳字羽王臨桂人嘉靖壬子舉人除雷州司理改
黎平謫六安判官遷應天通判謫利州衛經歷改王
府官有萍浮東潛過江河垣謫台東漕輿臺等集

四庫總目

桂勝十六卷桂故八卷張鳴鳳撰桂勝以山

水標目各引證諸書敘述於前卽以歷代詩文附本

條下而於石刻題名之類搜采尤詳又隨事附以者

證多所訂正後董斯張吳興備志朱彝尊日下舊聞

卽全倣其體例於地志之中最爲典雅桂故分郡國

官名先政先獻游寓雜誌在明代輿記之中於康海

武功志韓邦靖朝邑志外自爲別調可以鼎立而三

田按嘉靖王子舉人有兩張鳴鳳一江西豐城一廣

西臨桂竹垞詩綜誤以羽王爲豐城人四庫總目

會煥江西詩徵因仍不改羽王博雅所作桂勝桂故

爲世所重其論明詩云蕩除積習北地汝南亡政輕

議正嘉之際黃岡王延陳毫辟釐清韻秀藻良爲競

爽後來其爲高子榮乎又云于鱗嶽挺雲端元美海

涵天際子相儕而不深公實麗而不壯蓋靈算處逼

則然所論不出七子窠曰詩亦切當惟推崇吳明卿

首稱精雅於七子間不無所蔽其集今亦不甚流傳

白雀去已久深岩名不減遙思千載人風素何高潔

白雀洞

夕陽洞

煙際度歸樵明滅不可辨返照射西嵒潭光映東巒

灘江口田家

楂凹橫侵汲道崖傾半沒楓潭落日射魚磯上閒時種豆山
南

來知德二首

知德字矣鮮梁山人嘉靖壬子舉人以薦授翰林侍

詔有瞿唐日錄三十卷

田接待詔研精易理詩多蕭閒之趣

對酒

地幽春水淨花發夕陽遲白水盧全宅青山謝眺詩羣鴉歸

碧樹獨鶴下荒池無限江湖思留連到幾時

秋風

爲懶茶經熟因閒瑟譜工時清容蹇拙道在任窮通殘葉迎霜赤寒花映日紅人生花葉共風至自西東

李尙實

一首

尙實號子虛長治人嘉靖壬子舉人除輝縣知縣改淇縣遷裕州知州有蕭然亭集

題暴尙書祠

尙書祠屋古城新小撥溪毛薦渚蘋左右何勞兵義士乾坤故使有頑民直言晁氏能安漢錯把周官解誤入夜闇一龕燈火寂青青廟木杜鵑春

明詩紀事

貴陽陳田輯

已錄

孫應鰲

十二首

應鰲字山甫清平人嘉靖癸丑進士選庶吉士改戶科給事中出爲江西僉事厯陝西副使四川參政隆慶初擢僉都御史巡撫鄖陽龍歸萬曆初起故官入爲大理卿進戶部侍郎改禮部掌國子監事以病歸起刑部侍郎進南京工部尙書贈太子太保謚文恭有學孔精舍集稿十六卷

任瀚忠齋逸稿山甫詩如七十二君封泰山望見滄海有無中蜃氣樓閣盤薄煙霏恍光萬狀翛然起慨

靈霞外之思

黔詩紀異先生五言沈雄森秀直逼魏晉七言近體

舒和蒼潤品亦在初盛唐間

田接黔人講學自陽明講龍場始闡端緒先生生後

陽明數十年十九試儒士見知於督學貴溪徐樾

爲陽明再傳弟子先生夢陽明續懷詩云平居學道

心晚路孰期許年往漸無聞歸來宅幽階先覺遺良

模神交倏相與纏綿心山事懇款夢中語精交偕席

可言意氣同居處徒增覺後悲拊循轉淒楚嚮往之情

可謂篤摯先生著書有教秦緒言一卷教泰總錄四

卷淮海易談四卷四書近語七卷左粹題評十二卷

幽心瑤草一卷莊義要刪十二卷學孔精舍集稿十

六卷集稿中五古超曠之致大類薛文清七律亦軒

軒俊爽竹垞詩綜僅錄華山一絕蓋未見全集也

太玄亭詠懷

高士有洞觀亦貴居要妙別墅茲澄鮮神情啟臨眺青邱帶
暘暉翠煙上蘿薜往古不可興遺言窺末照覽舊意有含悠
然發長嘯賞理林壑則自信匪凡調

坐對南山

南山巒崔嵬蒼翠日引領城府紓僻地衝明殿幽境高樓十
畝閒自覺百慮屏石牀春正溫松籟夜逾靜超然悟至理天
光發真境

連得鄒頴泉書

我家金華墟雲山接楚甸重君千里情書札屢軫眷人生深
相知豈必見顏面款曲書中意耿耿迴英盼勉我修令德期
我屢嫌變空齋望所思良會未有便不教蕙草殘香風時宛
轉

顧會塘問過草堂

異患得遣釋處約良自安便媿三徑中不知春色殘時有野

客來披裘岸鷁冠握手忘揖讓談笑投交歡山空卉木深天
遠雲水寬徘徊物外心傾倒誠非難幽棲保微尚因之歌考
槃

同蔣楊二丈沿二水流處坐嘯

溪流抱荒城濛波鎖崇巒半壑相延緣孰謂川途遠隔巖水
氣涼盤石煙委緩清瀆涵空明臨軒坐忘返瞬茲魚鳥情行
雲自舒卷高嘯投素心野曠白日晚

疑塚

疑塚七十二曹公慮已極王業已難存枯骨豈能必高原下
牛羊日暮生寒色

訪五山勝壽禪林

空城存古寺寂寞已無僧獨有橫經客時分供佛燈淡雲盤
老桂寒日隱荒藤斟酌談時事相看百感增

宿李伯貞百錚莊

野屋全依石幽局半掩山出郊期信宿對客破心顏高樹夕
煙外亂禽秋渚間自然清晏足城市不思還

棲賢橋

雨霞變幻少定色掃石共坐巖溪頭鐵船紫霄峰獨秀金井
玉淵山更幽巾裘隨意郭文舉獵釣無心翟祖休采采仙源
有靈藥得之還贈同心傳

重經華陰

太華少華何絕奇我昔登覽偕前期朝發山陽夕陟轔北飲

飛泉南採芝紫雲暫憇不滿意立圃重遊空繫思明日出關
彌遠路私微所傷當語誰

題培竹李公仰泉書院

喬木森森卉草芳中丞別業午橋莊樓臺盡覽山川秀綸綁
高懸日月光萬竹曉寒閒翠幄一泉春煖浸銀塘異時強爲
蒼生起猿鶴翻憐秋夜長

題口南精舍

瀟灑郊垌向秀園水雲千頃映柴門披襟獨鼓南薰調愛客
時開北海尊煙浦疏風間鶴侷石苔新雨長龍孫種桃他日
塵寰隔雞犬林深自一村

張四維一首

四維字子維蒲州人嘉靖癸丑進士改庶吉士授編修厯中允諭德超擢翰林學士拜吏部侍郎充東宮侍班官掌詹事擢禮部尙書兼東閣大學士入贊機務加太子太保進文淵閣大學士進少保武英殿大學士加柱國少傅兼太子太傅進少師兼太子太師改吏部進中極殿大學士贈太師謚文毅有條麓堂

集三十四卷

國史唯疑張文毅於江陵歿後不乏反正功論者顧苛繩其最日遜事江陵狀然則華亭之於分宜非歟張當國未久以憂去甫釋服蹶卒不竟所施使吳門得徐收之爲名士君子志大有爲於天下亦自有幸有不幸

田按文毅王鑑川甥鑑川款議淹答封貢朝右持不決文毅與鑑川書封貢事者二十三札今具在集中爲交關於新鄭款議遂成萬曆一朝宰輔攘外安內

首推江陵如文毅通知邊務亦豈易得

長陵

文皇本意清龍朔陵墓依然控紫荆雲繞金塘新寢廟霜寒
石壘舊屯營銀鳧夜沒三泉影鐵馬秋歸萬木聲明月滿山
宮漏靜斗間猶有劍光橫

塞上曲

紀癸亥秋宣大事

胡馬秋肥塞草長彎弧直擬犯漁陽歸途卻避弓閭水知是
嫖姚舊戰場

義寶

二首

寶字廷善丹陽人嘉靖癸丑進士選庶吉士授編修
出爲四川僉事厯河直參議福建副使南太常少卿

就遷國子祭酒擢刑部侍郎改吏部進禮部尙書加太子少師有鳳阿集三十六卷

送陳君務齋歸越中

古人重分袂一日如三秋後晤無前期使我儻欲賜去影已泛泛居情尙悠悠昔以花時至花落君不留明年花發時還應思舊遊

山行

綠陰愛欲留青山行不住回首聽泉聲忽焉得佳句

劉堯誨

一首

堯誨字君納臨武人嘉靖癸丑進士除新喻知縣徵授南刑科給事中以事罷歸起上海縣丞屢遷右僉

都御史巡撫福建進右副都御史以兵部侍郎總制
兩廣拜南戶部尙書改兵部有留垣吟稿虛籟集

遊武夷

三十六峯明月多美人隔水秦雲和相逢即是人間路翠黛
芙蓉奈爾何

羅汝芳

一首

汝芳字惟德南城人嘉靖癸丑進士除太倅知縣徵
授刑部主事厯郎中出爲甯國知府改東昌厯雲南
副使進參政有近溪子集十四卷

遊紫霄觀步同年李訥韻

紫霄深處九回溪溪上巒巒北斗齊龍隱碧潭花氣含鶴巢

蒼樹野煙迷春光愛客晴偏媚山鳥窺人煖自曬路迴不妨
乘夜入石床雲滿足幽棲

胡汝嘉

五首

汝嘉字懋禮南京應揚衛人嘉靖癸丑進士選庶吉士授編修出爲山西參議有稿集沁南稿

金陵璣事胡秋宇書得意之筆酷似枝指生山水腕去塵俗但所鑿者不多耳

潘周集胡懋禮書爲金陵名品行草出二王父子隸書規模元常大令古雅中天趣溢發

朱陸柳波上集余往評隲白下諸賢之作華玉秀而整魯南婉而麗伯游醞而鬯欽佩傳而價應午俊而雅元舉清而贍沁南先生則兼總羣材命令當世誠清廟之韶濩詞林之冠冕

顧起元客座贅語胡秋宇先生在翰林日以言忤政府出爲藩參先生文雅風流不操常律所著小說數種多奇艷其紅線雜劇大勝梁辰魚

烏衣佳話胡懋禮佳句過黃華山云林鴉翻暝色岩

樹駐秋雲
田按秋字能書能畫能詞曲詩亦格律遒上詩繪不
錄一字余亟補之秋字又富收藏書畫幾與黃美之
塔如摩詰江天碧雪卷宋搨黃庭肥本爲墨幅之冠
均在其家

邵原里在濟源西有大棠樹云是邵伯所憩者按邵公
分陝當在西而西伯時巡行亦未必至此據志當是
畿內采地耳

驅車濟源西移駕邵原里聞昔分陝公曾此駐高軌棠樹有
遺愛居者尙能指豈謂棠久存人心有如此古人重荀宣利
病得所理況當堦澤時王室正如燬二南肇西周大統自茲
起蔽昔有遺歌萬古勤仰止

齊居漫興

千里晴光野望同浮雲消盡太行東清時更隱依河曲故國
書來問桂叢山鳥下階衙鼓寂松陰覆地訟庭空一官寥落
無裨補稍喜閭閻有素風

盤谷道中

碧樹亭亭不作林平疇秀色雨餘深野雲過溪結高蓋山溜
遶田鳴素琴千楓厯亂駐晚照萬壑慘澹生秋陰計日授衣
寒節至誰家村巷聲糲砧

子夜歌

蟾蜍網朱戶露葉藏暗榮與君幾時別忽地秋風生

汝府故宮

璇題畫棟鎖層城十載綠山龍鳳笙惟有舊時花鳥在錦香

猶護管絃聲

吳時來

一首

時來字惟修仙居人嘉靖癸丑進士除松江推官徵授刑科給事中以劾嚴嵩下詔獄謫戍橫州隆慶初詔復故官改工科擢順天府丞以南右僉都御史提督操江改巡撫廣東以事貶雲南副使旋落職閒住萬厯中起湖廣副使擢左通政進吏部侍郎拜左都御史贈太子太保謚忠恪尋被論奪謚有悟齋集十

五卷

烏石山房

帶雨減遊蹤乍霽快清曠綠楊蕩微煙碧水欣初漾緣澗芳

不歛依牆苔猶上林端見遠山四面圍青嶂願言結吾廬微
生託此養

龐尙鵬

一首

尙鵬字少南南海人嘉靖癸丑進士除樂平知縣徵授御史歷大理寺丞以右僉都御史分理九邊屯鹽尋命兼領屯務以事斥爲民萬曆初起故官巡撫福建拜左副都御史以忤張居正罷官天啟中追謚惠敏有百可亭摘橐九卷

答友人話舊

西北風塵地那堪夜沉寥與誰籌國事何日破天驕塞馬甯論失江鱸早見招薄軀猶善飯撫髀未全消

蔣淳

一

淳字子厚全州人嘉靖癸丑進士改庶吉士授御史

江森粵西文載子厚方入臺造監刑見楊員外繼盛獄具將刑具奏曰繼盛越職妄言自取重辟其妻哀

順聖明又何能儀型寡妻此必中有激而然也繼盛就刑妻必并命恐傷陛下好生之仁令匹婦立義千古願陛下將繼盛暫緩其死勿令下車立罪惟禹以一女子上書貸父惟漢文則萬世後頌陛下之仁超軼二帝矣奏上不報繼盛死於市子厚移病歸卒

寓頤憶醉翁琊琊次韻

古寺清亭想勝遊昔賢應爲此淹留天花夜落空壇靜石壁雲生小洞幽出定僧歸芳草徑酣歌客倚夕陽樓紫微泉遠人何處明月溪深水自流

侯祁

一

祁宇應文郎城人嘉靖癸丑進士歷官岳州知府

秋夜

風葉走空庭疑是夜來雨懷人正未眠更聽寒蛩語

曹梅

一首

梅宇子和鹽山人嘉靖癸丑進士官郎中

自華陰移官淮上

萍蹤隨浪轉衰鬢逐愁新孤違三年謫風霜一僕親華山方
繫夢渭水舊知津自笑鴻唐拙誰憐易老身

劉侃

二首

侃字正言京山人嘉靖癸丑進士授戶部主事厯郎
中出爲成都知府累官福建布政使有新陽館集

春暮

風吹山雨度簾櫳
指點茶糜半已空
二十四番花信過
獨留芳草送殘紅

過水下口

山樹參差石徑斜
朝來飛雨灑桑麻
山翁放罷村前獵
倚杖溪頭看稻花

曹大章

三首

大章字一呈金壇人嘉靖癸丑第二人及第授編修
有含齋集十六卷

田按含齋文頗馳驟授館職後分宜相值西苑澆灌
瑞牒應時而作鹿裘芝頤倚以爲辦後與分宜子世
蕃往還過洽時有齠齶勤致仕時年方四十無以耗
壯心良辰令節輒建戲車樹修旗臘俱儻來儻去爲

角觝曼延之戲王肯堂序舍齋集稱其性躁動每爲文必於語笑伎樂喧闐之時落筆如飛故不暇檢拾而豪詞麗語亦復可喜

送楊安峯還楚

憐君新墨綬忽起故園情拂袖辭江縣懸帆入郢城青山行處待綠柳望中迎此日河橋別暮雲天際橫

贈吳夢羲歸歙

十里平湖月夜橋秋風聲動大江湖故人止在黃山畔海鷗長天不可招

贈美人兼呈曹北海

昔時結客少年場浪向瑤臺覓鳳凰今日逢君看舞袖風流不減舊時狂

陳珊一首

珊字鳴仲一字近衡銅仁人嘉靖癸丑進士授行人
出爲襄城知縣遷兗州同知

黔詩紀畧近衡以忤嚴嵩官離轎不達嘗銘其座石
曰士大夫能以居鄉之心居官天下必無寃民能以
居官之心居鄉天下必無請託人以爲名言近衡之
謫官也在真定題詩有憂時頗恨成名晚之句孫淮
海先生見而傷之賦詩云朝誦河舟賦憐君憂世心
成名真以晚與謗一何深威原推長廟賓鴻拂好音
治田言笑在懷想淚沾襟

入蜀次杜老秋興韻

少陵當日渡西頭襟抱惟將託素秋靈武幸聞龍馭起漁陽
誰引羯胡愁恥從濁世歌衰鳳故傍清江娵狎鷗落冥昔賢
樓息地徒令千載詠夔州

鄭茂一首

茂字士元莆田人嘉靖癸丑進士除海鹽知縣擢兵科給事中厯官河南按察使有咫園詩集

弔屈原

洞庭南望夕陽多杜若陰陰覆汨羅去國丹心懸日月懷沙遺恨泣龍盤故宮搖落餘三戶詞客淒涼自九歌投閣子雲空著賦反騷當日意如何

王詠一首

詠字曰曰嘉定州人嘉靖癸丑進士官江西參議

西坡寺

爲愛西坡寺閒行損綠苔浮雲如客懶盡日傍高臺

何東序

一首

東序字崇教猗氏人嘉靖癸丑進士授戶部主事厯員外郎中出爲衢州知府遷山東副使以右僉都御史巡撫延綏進右副都御史有九愚山房集九十七

卷

少林寺

佳世還遺世觀空不是空影堂千古月響塔萬山鐘

方萬有

一首

萬有字如初莆田人嘉靖癸丑進士選庶吉士改工科給事中有頤菴藏稿

留別楊郡伯

兵甲滿天地客行安所如登高覽八荒忽焉獨躋躅欲濟河
無梁涉遠塗無車回首盼鄉國門巷莽邱墟十室九無人荒
田孰與鋤卒戚道途間中情慙以紂夢魂招不定夜夜反舊

廬

王可大一首

可大字元簡吳江人南京錦衣衛籍嘉靖癸丑進士
授刑部主事厯員外郎中出爲台州知府以事罷歸
起興國州判厯黃州通判承天同知徵授南戶部郎
中未赴除瓊州知府有三山策稿續稿白雲稿

頤起元賴真草堂集少治公書法規撫徐九峯金山農晚又出入鮮于伯幾自謂能得其意金陵瑣事王太守元簡佳句尋州渡河云沙淨空山雨風香野岸花

捉搦歌

冽冽西風野草黃
征衣無絮裘無裳
海頭紅日朝朝出
不照深閨瓦上霜

秦禾

二首

禾字子實無錫人嘉靖癸丑進士除武康知縣徵授

戶部主事厯員外郎中出爲金華知府改永昌

田按子實令武康時得宋本孟東野集鏤板傳之頗稱好事小詩亦有別趣

暮春漫興

二首

風光滿眼不一醉籬邊小桃應笑人百年幾何如逝水莫負
城南三月春

莫笑幽齋絕低小紙窗虛明塵事無階前春雨草漸長便有

小禽來哺雛

鄧元錫

三首

元錫字汝極南城人嘉靖乙卯舉人徵授翰林院待
詔有潛學稿十九卷

田按汝極講學闡佛甚嚴異於姚江之末派詩亦不
入聲囈集曰

雜感

幼安客遼東冰雪澡其腸匡坐一木榻耿介懷虞唐龍不見
成德鳳覽輝而翔早帽高切雲峩我盤予望

贈陸丞還海南

陸公起家本宿儒胸藏幾卷槃盂書賦詩煙雲走碧落著論
勢力排空虛竭來偶作歌松吏五載黎江那自意讀書堆案

秋色高探奇且拂凌雲袂未論撫字拙催科造請公門厭苦
多城闕早報丞趨謁卓午回車徑不過自知骨相合偃蹇卽
使蹠躡甯得免大官束吏如濕薪誰哉經術談深淺德清許
公守郡時萊蕪史雲猶見知只今公去木葉脫西風獵獵吹
人衣曳裾王門亦不惡錢塘風土殊自樂八月胥江潮正高
海門夜半銀潢落泛湖船美湖淪漪筆床茶竈行相依招邀
爾祖天隨子去采金莖九疊芝

出廬山

自抱朱絃古知音恨獨高秋忽搖落歸夢滿關山白髮不
盈握丹梯能再攀寒泉將白石相送共濶濶

明詩紀事

貴陽陳田輯

己編

吳文華

二首

文華字子彬連江人嘉靖丙辰進士除南兵部主事
歷員外郎中出爲湖廣副使改廣西歷四川參政河
南布政使以右副都御史巡撫廣西遷戶部侍郎請
終養歸起兵部侍郎仍撫廣西遷總督兩廣軍務進
右都御史召拜南工部尚書就改兵部引疾歸起南
工部尚書不赴贈太子少保謚襄惠有濟美堂集四

卷

己編卷十二

遊天界寺投半峯賦上人

經年淹畫省初識遠公名竹日搖瓊席蘿雲覆石屏詩情歸
正始法性證無生惆悵山門去依然塵慮營

汴中書懷

薔薇花發燕雙飛簾捲斜暉案牘稀推卻素琴成小憇東風
吹夢到漁磯

胡直二首

直字正甫泰和人嘉靖丙辰進士除刑部主事厯郎
中出爲湖廣僉事遷四川參議以病歸起湖廣副使
遷廣西參政有衡廬精舍藏藁三十卷續稿十一卷

四庫總目直家泰和東距衡山不千里北距廬山亦不
千里故取二山之名名其書室因以名集直初從歐

陽德遊又從霸洪先遊其學一以姚江爲宗明儒學

索稱其少駢宏好考古文詞年二十六精講學故其

文章頗雅健有格

孫庵齋學孔精舍彙稿正甫胸次洞然有物我同體

之懷故其詩暢而巒直而婉天趣獨深非追琢可及

得侯介潭消息

消息西來未忍聞若爲多難復離羣投荒自分先朝露歎逝
那知對隴雲隔歲行塵猶避馬早春芳草已孤墳生還儻過
山陽道長笛何堪聽夜分

二月一日曉渡秦和江

綠楊接葉杏交花嫩水新生尙露沙過了春江好回首汀洲
一帶有人家

西昌沈氏有山谷書杜陵山水圖障歌作江山堂堂廢

其後人以黃書求題感賦

杜老已亡黃九去長歌大字落江山百年風物今何似春水
晚煙飛白鷗

鄭洛

「首」

洛字禹秀安肅人嘉靖丙辰進士除登州推官徵授廣東道御史出爲四川參議厯山西參政浙江布政使以右僉都御史巡撫山西改大同進右副都御史入爲兵部侍郎出總督宣大山西軍務進兵部尚書加太子少保進太子太保入理戎政詔兼右都御史經署陝西延甯甘肅宣大山西邊務加少保贈太保謚襄敏

秋暮期龔直軒過陽和卻寄

楓葉離離霜滿枝懷人恰是雁南時尊中我有平原酒客裏誰憐塞北思

姚汝循

五首

汝循初名理以字行改字敘卿永康人南京錦衣衛

籍嘉靖丙辰進士除杞縣知縣徵授南刑部主事歷

員外郎中出爲大名知府以事罷歸起杜陽州同遷

嘉定知州有屏居集八卷浪遊集六卷耕餘集八卷

烏衣佳話姚太守敘卿佳句雨閣凝香暇春山露見
餘煙暝前村樹風傳何處鐘纖月墮池樹涼颯來石

林春原並馬花交路秋寺連床月滿林

列朝詩集敘卿詩如酒邊過白鳥鏡裏出青山間花
苔上落清磬雨中沈離愁隨草長別淚迷鶯宿雨

清郊潤和風自裕輕潮起輕風生遠浦夜涼明月滿

月滿

扁舟觀其風流吐納居然名士
靜志居詩話敘卿詩格不高然五古遠倣陶韋近倣能宗大歷此益藩潢南道人入之李何諸公之列目爲盛朝十二家也
田按敘卿輯金陵風雅四十卷見焦竑經籍志借此書不傳

與孫俞二山人金大令忠覺義小集雪浪禪房

言訪招提境因過祇樹林閒花苔上落疏磬雨中沈妙供分香積清歌寫梵音回看城郭者役役果何心

秋日登白鶴樓小集

江天新雨後仙閣白雲間偶爾一樽共蕭然萬慮刪長風送虛籟落葉滿秋山欲問前朝事江流去不還

晚泊荻港

漏舟臨荻港落日下高春煙暝前村樹風傳何處鐘途窮悲

作客宦拙羨爲農負簷遙相迓而今豈再逢

潯陽夜月

夜泊潯陽月滿船蕭蕭蘆荻冷秋煙孤臣此日青衫淚不待
琵琶已茫然

舟泊松溪聞簫

倚棹松溪落日斜故山悵望隔天涯紫簫吹出江南弄那得
行人不憶家

張潛一首

潛字用昭華州人嘉靖丙辰進士除戶部主事遷員
外故禮部遷郎中出爲廣平知府遷山東參政有東

谷集

玉泉山

山椒臺殿與山齊蘿逕逶迤獨杖藜自擣松花供濁酒旋分
柿葉寫新題虹收急雨方回澗風逐癡雲半渡溪間步空階
春事晚飛飛雙燕已銜泥

劉穩

一首

穩字朝重鄆人嘉靖丙辰進士除南兵部主事歷員
外郎中出爲廣東僉事進副使以病歸起廣西副使
改廣東進參政擢南太僕少卿有山房漫稿仁山集
十二卷

能仁寺酬九峯過訪

禪床遙憩祇林幽散髮高眠得自由豈謂故人成遠夢依然

天際見歸舟百年萍梗驚難定一徑松蘿舊曾留分手莫辭
雲樹杳春山無伴更相求

黎民衷

一首

民衷字惟和從化人表弟嘉靖丙辰進士除吏部
主事歷員外郎中出爲廣西參政有司封集

太平寺

釋子離人羣高居遠俗氛開門山色近汲澗水源分禪榻常
棲月僧衣半夏雲閒緣俱寂後鐘磬夜深聞

林潤

一首

潤字若雨莆田人嘉靖丙辰進士除臨川知縣徵授
南山東道御史以糾捕嚴世蕃就擢通政司參議歷

太常少卿以右僉都御史巡撫應天

蘭陔詩話嚴世蕃羅文龍遭戍已復亡之家若雨馳至九江捕之王元美袁江流樂府所云御史乘飛罝捕司空至京是也今傳奇猶演之

秋興

愁思悠悠客裏情可堪落葉動秋聲月高蘭渚歸旌遠風度
蘋洲去棹輕烽火有時傳北塞用兵何日靜山城萬方多難
奔馳苦夜雨寒窗夢不成

陳聯芳

一首

聯芳字以成閩人嘉靖癸丑進士累官光祿卿

荷亭餞送長樂張主簿之京

去去勞王事其如戀別何扁舟吳淮渡匹馬宛陵過雁斷秋

風急蟬驚清葉多西亭一尊酒相對聽驪歌

鄭雲鑒

一首

雲鑒字邦用閩人嘉靖癸丑進士授戶部主事厯員

外郎中出爲副使累遷河南布政使

田按癸丑題名碑錄無邦用名余檢林廉福州志徐
廸晉安風雅均云邦用嘉靖癸丑進士當係題名碑
偶遺耳

送劉計部守成都

地稱分鼎舊恩爲剖符行雲雨過巫峽煙花向錦城握手違
漢署折柳戀王程弔古詢遺俗文翁有令名

盧仲佃

一首

仲佃字汝田東陽人嘉靖丙辰進士除晉江知縣改

福安徵授刑部主事改兵部厯郎中出爲成都知府

累遷廣西布政使降廣東副使有何莫軒集

金華詩錄汝田詩如得句每於看竹後懷人定在明月時酒杯詩卷空湖海蘿月松風自管絃意境俱佳

舟行

囊有焦桐琴手拙不能理偶憇吟徵君白鷗忽飛起

侯廷柱

一首

廷柱字子任諸城人嘉靖丙辰進士厯戶科給事中
改刑科出爲南陽知府未赴以察典罷

遊常山

聯性耽山水況逢三月三清瑣留古寺素髮照空潭雨歇風
光靜春深花氣酣莫嫌歸路晚別墅更停驂

奈翔五首

翔字宗漢，靖州人。嘉靖戊午舉人。官全椒知縣。有辭

荔園集四卷

訪元美於弇園。元美依韻和之。有云：十八娘紅生荔
枝，蠟房舌嫩比西施。更教何處誇三絕，爲有柰郎七
字詩。元美作四十子詩，復及宗漢。云：陶令謝彭澤，奈
令辭全叔。俱言以酒廢無乃爲折腰陶影不出山。余
跡不入里，當其餓時，千載如一軌。新詩亦自佳能
諸世人耳。元美自以高節許之。宗漢詩自爲一派，不
必近七子也。

舟中有懷社中諸子

悠悠溪中水瀟瀟。溪上雨薄暮。倚扁舟。彷徨誰與語。烏雀下
林悲啾啾。求其侶。豈無心所歡。一別在何所。逝水無還期。
春復幾許。美人期不來。望望空延竚。

見二毛作

生事惟高枕蕭然已
毛山中歌扣角花下醉
持螯身世窮
何礙風塵夢亦勞
但教無俗物隨意讀離騷

懷仁甫

柴門生事微久息漢陰機
流水煙初暝斜陽鳥乍歸
酒憐嵇叔夜詩憶謝玄暉
遙隔三山外江鴻何處飛

看園即事

睡起西齋日欲斜
溪邊汲水自烹茶
捲簾坐看雙飛燕
衝落櫻桃幾片花

題山寺

幾度探春路不迷尋僧又過竹林西
青山盡日無人到雙樹

陰中一鳥號